



Акафист святому священномученику СИЛЬВЕСТРУ, Архиепископу Омскому и Павлодарскому

Кондак 1

Избранный от мира, предивный угодниче Христов, / веры православныя благовестниче / юже яко добрый сеятель на ниве Христове / в сердца чад Божиих усердно всеял еси / не престай молитися за ны ко Господу / даровати земли нашей мир и безмятежие, / церкви Святей от ересей и расколов ограждение, / да твоими молитвами от бед избавляеми, благодарно зовем ти: // радуйся, священномучениче Сильвестре, земли Омския молитвенниче.

Икос 1

Ангела пламенеюща духом и во плоти суща человека, избра тя Господь быти служителя Церкви Святей и стаду Своему пастыря добра, от юности бо твоея Богу Единому сердцем и душею прилежал еси. Мы же имуще в тебе образ пастыря добра умильно взываем ти:

Радуйся, Богом избранный и освященный
наш пастырю;
радуйся, увенчанный архиерейскою
благодатию.

Радуйся, чистый разумом, всею душою Бога
возлюбивый;
радуйся, в житии твоём Тому усердно
послуживый.

Радуйся, в незлобии сердце твое соблюдый;
радуйся, иго Христова от юности радуясь
восприявый.

Радуйся, земли Омския благодатное
прирастание;
радуйся, со всеми в земли нашей
просиявшими, неба церковного украшение.

Радуйся, священномучениче Сильвестре,
земли Омския молитвенниче.

Кондак 2

Видяще тя, пастыря, подвигом добрым
подвизающуюся, и «аки елень на источники
водные» к Богу устремляющуюся, словесное стадо
свое аки ангельским хлебом обильно питающая,
святителю отче наш Сильвестре, умиляемся
сердцем и душою, благодаряще Бога,
даровавшего нам тебе пастыря верна и стража
добра, воспеваем дивную песнь: Аллилуия.

Икос 2

От юности твоя, богомудре Сильвестре, орлу горнему уподобился еси, от мирския суеты к высоте небесней воспарив, да постигнеши глубины премудрости Божия и в свете истиннаго благочестия стадо твое мудре просветиши. Мы же наставляеми тобою поклонятися Богу, в Троице славимому, воспеваем ти похвалы сия:

Радуйся, Бога во Святей Троице прославляемаго, познати нас просветивый;

радуйся, Свет Истинный, просещающ всякого человека, всем возвестивый.

Радуйся, Правды Божия ревностный искателю и Христа обретый;

радуйся, неутомимый Ея глашатаю и провозвестниче.

Радуйся, Закон Божий на скрежалех сердца твоего начертавый;

радуйся, в слове, житии, любви, духе и вере образ нам показавый.

Радуйся, в дому Божии, яко финикс процветый;

радуйся, чистотою сердца богатый, верою и разумом Необъятного объявый.

Радуйся, священномучениче Сильвестре, земли Омския молитвенниче.

Кондак 3

Яко серна от тенет, от суеты мира сего отбегл еси и к иноческому подвигу потщался еси; Христу Богу непорочным житием благоугодил еси, достоблаженне священномучениче; в трудах же и бдениих, от стражи утренния до нощи дремания веждама твоима и сна очесем не давший; сего ради жилище Духа Святаго быти сподобился еси, и в Троице певаемому Богу, яко орган многострунный, непрестанно воспевал еси святую песнь: Аллилуия.

Икос 3

Кедру ливанскому уподобился еси, святителю Христов Сильвестре, изрядно укрепивый душу твою святостию служения соборнаго в богоспасаемей Полтаве, идеже чистому нраву и благочестию церковному учил еси отроки и отроковицы земли полтавския; темже видяще тя, ревностию учительства пламенеюща, вопием ти сице:

Радуйся, Господа ради дом родительский оставивый;

радуйся, путем тесным за Христом последовавый.

Радуйся, Ангельское житие благодатно стяжавый;

радуйся, яко юный Исаак смиренно в руке Божии себя цела отдавший.

Радуйся, образу кротости и о молитве Иисусове присное памятование;

радуйся, помощи Божия непрестанное призывание.

Радуйся, сыновней любовью к небесным воспаривый;

радуйся, молитвою твоею землю Омскую освятивый.

Радуйся, священномучениче Сильвестре, земли Омския молитвенниче.

Кондак 4

Видяще тя Пастыреначальник Христос, учительнаго подвига ревнителя, трудов же и миссионерских деланий неленастнаго исполнителя, постави тя юным отроком наставника и учителя. Ихже делом и словом к служению Церковному мудре уготовлял еси, и преуспевати в житии благонравнем отечески наставлял еси; да и тии, в возраст пришедши и поминаючи благия заветы твоя, множецею воспоют дивную песнь Богу: Аллилуия.

Икос 4

Слышаша и видеша людие православнии равноангельное житие твое, священномучениче

Сильвестре, воодушевишася к подвигу служения Святей Церкви Божией, наипаче же узревши тя, ангельского образа сподобльшася и високаго сана архимандрита достигша, со умилением сердечным пообещали пред олтарем Господним, такожде послужити во священных олтарех Церкви Православныя, воспевши тебе похвалы сия:

Радуйся, Христа Бога возлюбивый, и с Ним за мир заклатися обещаваый;

радуйся, Христу спогребыйся, смерти жало славно поправый.

Радуйся, теплотою души твоея затепливший и души верных твоих чад;

радуйся, во мнозех скорбех и болезнях, терпению Христову нас научивый.

Радуйся, стада Христова пастырю верный;

радуйся, молитвенниче усердный за народ наш и землю отцев и братий.

Радуйся, обуреваемым тихое пристанище;

радуйся, заблюдшим благостный наставниче.

Радуйся, священномучениче Сильвестре, земли Омския молитвенниче.

Кондак 5

Богосветлое светило, Духом Святым возженное, воспламени Господь сердце твое, мучениче земли Омския, да упасеши и

избавиши боголюбивый народ наш от вражды с Богом и попрания Святых Заповедей Его, ихже дух злобы поднебесный низвергнути на сие тщащесе. Бурею безбожия испытуем ты, Святче, реши в сердце твоём многовидныя мучения прияти, да не умолкнет победная песнь Богови на земли Сибирстей: Аллилуия.

Икос 5

Видевши гонители злочестивии, яко твердо твое упование на Господа и любовь к Нему, злобою распаляхуся, лютые страдания измышляху, мнящи гладом и мразом и темничными изнурении веру твою попра, посмеяние диаволу явити, святой крестоносче Сильвестре и вси исповедницы земли Сибирския. Ты же, духовный пастырю страдальцев, новья весны прозябение Христово явися и вся козни бесовския попра; о сем приносим ти таковая:

Радуйся, трием отроком в Вавилоне верою единоправный;

радуйся, Даниилу в рове львином в мужестве единославный.

Радуйся, Церкви Христовы споборниче;
радуйся, Православного вероучения неисчерпаемый источниче.

Радуйся, славу мира сего, яко суетную презревший;

радуйся, блага временныя нивочто же вменивший.

Радуйся, велие дерзновение к Богу имей;

радуйся, пламенною любовью к Богу горяй.

Радуйся, священномучениче Сильвестре, земли Омския молитвенниче.

Кондак 6

Проповедание медоточивых уст твоих, якоже мука и елей в Сарепте Сидонской никогдаже источашеся, ниже заграждашеся, преславне исповедниче Христов Сильвестре; видим бо ты благовествующа людем богоспасаемаго града Киева и града Святаго Петра, идеже в служении церковнем пребывая, учил еси взывати Богу дивную песнь: Аллилуия.

Икос 6

Видевши подвизи всероссийскаго воинства, егда на поле брани упорно стояше за святое Отечество наше и за народы его населяющия, возносил еси Святую Безкровную Жертву, за в подвизе своем доблестнем кровь проливших. Учил еси, святителю Божий, како подобает молиться и трудиться, возлагая на олтарь Отечества живот свой и кровь проливая

безценную; страдания своя приявый воеже освятити земли нашу в Дом Божий – Жилище Духа Святаго; сему преславному подвигу удивляющися, вопием немолчно сицевая:

Радуйся, в годину бед и испытаний отеческою любовью нас утешаяй;

радуйся, оградо крепкая и надеждо Православного стада несокрушимая.

Радуйся, лампадо светлая, в молитвенном подвиге неугасимая;

радуйся, пастырю, Веры Православныя истинный ревнителю.

Радуйся, ересей и расколов нечетивых искоренителю;

радуйся, православного благочестия насадителю.

Радуйся, чистотою сердца твоего Господа славы созерцавый;

радуйся, в Волю Божию всего себе отдавый.

Радуйся, священномучениче Сильвестре, земли Омския молитвенниче.

Кондак 7

Ходатай пред Богом преизряден явился еси, священномучениче Сильвестре, егда дерзновенно подъял еси труд ежечасного крестнаго хождения. В немже просвещая и воодушевляя присных, высоко и победносно

воздвизал еси дивное и преславное знамение Креста Господня, усердно моляся Богу за люди твоя, воспевающая: Аллилуия.

Икос 7

Новым и немеркнувшим светилом явился еси, богомудре Сильвестре, и вся твоя духовная чада, страстотерпцы Христовы, по всей земли нашей; в лесах тайги непроходней, в рудех подземельных, голодом и холодом томими, в поте кроваве изнуряеми суще; обаче идеже умножишася страдания ваша, тамо преизобиловаша чада Христова, из злодеев и убийц кающихся. Тако бо от беззакония к повиновению Божию многия приведосте; о сем восхваляем вас сицевыми похвалы:

Радуйтесь, лесорубы, козни вражия низлагающие;

радуйтесь, дровосеки, всякую лесть бесовскую пресецающие.

Радуйтесь, в подземелии шахт, светом Христовым сияющие;

радуйтесь, зачерствелую совесть к покаянию побуждающие.

Радуйтесь, алчущих правды Божия питателие;

радуйтесь, нищих духом и опечаленных в унынии утешителие.

Радуйтесь, нераскаянные грешники ко Христу приведши;
радуйтесь, с ними же в Царствие Небесное вшедши.

Радуйся, священномучениче Сильвестре, земли Омския молитвенниче.

Кондак 8

Чудно соделавый пути нашего спасения Человеколюбец Господь, промыслительно, аки росу на руно Гедеоново, дарова тя Омской пажити, архипастыря прилежна и православного учения хранителя тверда; воеже в венец земнаго подвига твоего поставити тя пред Престолом Славы Своея, молитвенника о нас тепла и неусыпна. Сего ради Богу, во благо все устроящу, со умилением зовем: Аллилуия.

Икос 8

Весь мир ужасом многим содрагашесе, слышавше, киими истязаньми и мученьми изнуряем был еси, достаславный новомучениче Христов, егда тя люте истязавше пытки страшныя привменяху и гвоздьми острыми, яко стрелы израняху твое честное тело даже до крове. В сем стоянии адамантове за веру Православную пребывших зряху; умиляемся

благодарным сердцем и ужасаемся,
состраждуще душею и вопием ти сице:

Радуйся, исповедниче новый и преславный;
радуйся, кораблю веры непотопляемый.

Радуйся, пред Богом за нас молитвенниче
теплейший;

радуйся, в скорбех грядущих на нас
помощниче вернейший.

Радуйся, во бранех со диаволом терпению
нас научаяй,

радуйся, в стоянии за веру отеческую нас
укрепляяй.

Радуйся, богомудрых умов услаждение;
радуйся, боголюбивых душ увеселение.

Радуйся, священномучениче Сильвестре,
земли Омския молитвенниче.

Кондак 9

Вси людие паствы Омския видяще тя,
архипастыря своего, смирением и кротостию
сияюща, прославиша Бога, святителю отче
Сильвестре. Ты же, Христовою любовью к ним
исполненный, яко отец о чадах своих, слезныя
молитвы Богу день и ночь изливал еси. Сего
ради людие твои, умиляющиеся сердцем и
душею, воспеваху Богу, даровавшему им
таковаго святителя дивна, возносяще песнь:
Аллилуия.

Икос 9

Проповедником славным явился еси, богومудре Сильвестре, всякую лесть бесовскую заграждаяй и посрамляяй, еюже дух злобы поднебесный мняше народы наша на путь нечестия совратити. Овых ересьми и расколы, овых же всякаго нечестия и безбожия насадители; тщашеся похулити Имя Пресвятыя Троицы. Ты же, взявше Крест Христов, имже благословил еси люди Божия, направил еси их на стезю Заповедей Святых. О сем, в вере отцев наших спасаеми, поем тебе таковая:

Радуйся, огонь и воду прошедый;
радуйся, веру православную кровию твоею утвердивый.

Радуйся, Христа возлюбивый и к Нему прилепивыйся;

радуйся, погубивый временная, Вечная же унаследовал еси.

Радуйся, вдов и сирот усердный питателю;
радуйся, гонимых за веру отеческую усердный попечителю.

Радуйся, дольняго мира мудрейший узниче;
радуйся, горняго мира вернейший соузниче.

Радуйся, священномучениче Сильвестре,
земли Омския молитвенниче.

Кондак 10

Спасти хотя многия, попусти Господь беды велия на народы наша, да якоже кукиль от пшеницы злыя измет и сожжет, верныя же, яко пшеницу соберет в житницы Своя и прославит их, яко верных рабов Своих. Мы же волю Божию приемлюще, терпению и злостраданию их научимся, егда к испытаниям призовет нас Господь, да ублажая подвизи их, поем неложно песнь Богу: Аллилуия.

Икос 10

Стена тверда и ограждение крепкое явился еси, многострадальне исповедниче, к тебе прибегающим и молитвеннаго предстательства твоего просящим в новых испытаниях веры сущих. Ты же, владыко святой, буди предстателем пред Богом за нас многогрешных, с верою и упованием вопиющих ти таковая:

Радуйся, врагом Веры Христовы необоримая преградо;

радуйся, от разорения храмов Божиих несокрушимая ограда.

Радуйся, омраченная зловерием, Светом Веры Христовы просвещаяй;

радуйся, учителю кротости и воздержания.

Радуйся, светильниче веры православныя;

радуйся, от сетей вражиих верныя избавляй.

Радуйся, ходити по стопам Заповедей
Божиих нас научаяй;

радуйся, ко Пресвятей Богородице о нас
непрестанно взываяй.

Радуйся, священномучениче Сильвестре,
земли Омския молитвенниче.

Кондак 11

Пение, иже приносим тебе, в похваление
преславных подвигов и чудес твоих,
достоблаженне Сильвестре, несть довольно,
обаче ведаем благое твое о нас тщание и любовь
твою. Благоволи, святыи владыко, вняти
молитвам нашим и избавити нас от прелести
еретическаго зловерия и языческаго злонравия,
да утренююще, чистым сердцем приносим о
тебе песнь Христу Богу: Аллилуия.

Икос 11

Светом Божественныя Любве объят был еси,
Сильвестре досточудне, егда призывал еси
соузники твоя кающися, радоватися, понеже
Благодать Божия изобильно пребывает со всеми
очистившими советъ свою покаянием
сердечным; яко чрез страдания временныя,
готовися верным радость вечная, юже уготова
Бог любящим Его. Ублажая сия радости Тайну
Велию, молим вас прилежно, страдальцы

преславнии, купно со святителем Сильвестром, утешите нас немощных, да спасаеми зовем вам немолчно:

Радуйтесь, Духа Святаго священное жилище; радуйтесь, Благодати Христовы славное вместилище.

Радуйтесь, яко орли к Солнцу Правды воспарившии;

радуйтесь, к Свету Невечернему из юдоли плача возвысившиися.

Радуйтесь, Царствия Небеснаго наследницы; радуйтесь, вечныя славы сопричастницы.

Радуйтесь, в селениих праведных упокоение обретшии;

радуйтесь, честнии праведницы с нами воспевающии славословную песнь святителю:

Радуйся, священномучениче Сильвестре, земли Омския молитвенниче.

Кондак 12

Благодать Божия изобильно излилася на тебе, присный наш молитвенниче, святителю Сильвестре, егда в темницу к безбожным, аки на пир веры православныя шел еси со иными страсотерпцы земли нашея. Воеже пребыти во блаженстве за Имя Господне, его же вы пронесосте в житии вашем, и ныне сподоби вас

Господь Венца Славы и Бессмертия вопиющих:
Аллилуия.

Икос 12

Поюще многострадальныя подвиги ваша и пламенную любовь яже ко Господу, священномучениче Сильвестре и вси новомученицы Сибирстии, славно Христу сораспявшиися, и от земных в Небесныя венценосно водворившиися, идеже Ангелом сликоствующе, нас немощных, напастьми испытуемых, поминайте. Мы же молитвенную надежду на вас имуще, Волю Божию, яко всеблагую примем и скорбьми утешающесе зовем сицевая:

Радуйся, архиерею Божий, подобие Крестнаго распятия претерпевый;

радуйся, за Истину пострадавый, Бога прославивый.

Радуйся, в заключении темничнем усердно Господеви послуживый;

радуйся, путь Голгофских Страданий понесый.

Радуйся, с сотаинницы предстояй у Креста, Христу сораспявыйся;

радуйся, земный ангеле, за град и Отечество наше молитву приносяй.

